



REPUBLIKA E KOSOVES/REPUBLIKA KOSOVA/REPUBLIC OF KOSOVO	AGJENCIA KUNDËR KORRUPSIONIT AGENCIJA PROTIV KORUPCIJE ANTI-CORRUPTION AGENCY
Dep. Dep. Dep.	DPKI 06-d/1067/1
Nr. Ifaq Broj stranica Nr. pages	03 27-05-2019 PRISHTINE



Republika e Kosovës
Republika Kosova - Republic of Kosovo

**AGJENCIA KUNDËR KORRUPSIONIT
AGENCIJA PROTIV KORUPCIJE
ANTI-CORRUPTION AGENCY**

Në mbështetje të nenit 11 (paragrafi 1.1), nenit 5 (paragrafi 1 pika 1.5), nenit 18 (paragrafi 10 dhe 11) të Ligjit nr. 03/L-159 për Agjencinë kundër Korrupsionit, si dhe nenit 19 (paragrafi 11) të Rregullores nr. 01/2014 së Punës të Agjencisë kundër Korrupsionit, Drejtori i Agjencisë kundër Korrupsionit me datë 24.05.2019, mori:

V E N D I M

- I. Mbylljet rasti me nr. DPKI-06-01/1044/19, për zyrtarin e lartë z. Xhavit Rexhaj, Anëtar i Këshillit Shtetëror të Cilësisë në Agjencinë e Kosovës për Akreditim, për shkak se nuk ka prova të mjaftueshme që e argumentojnë dyshimin e arsyeshëm për ekzistimin e konfliktit të interesit.
- II. Rasti mund të rihapet në çdo kohë kur mund të paraqiten rrethana të reja.

A r s y e t i m

Rasti i hapur nën dyshimin për konflikt të interesit në ushtrimin e funksionit publik për zyrtarin e lartë z. Xhavit Rexhaj, Anëtar i Këshillit Shtetëror të Cilësisë në Agjencinë e Kosovës për Akreditim, është trajtuar sipas procedurës së paraparë në Ligjin nr.06/L-011, për parandalimin e konfliktit të interesit në ushtrimin e funksionit publik. Pas informatës së marrë nga jashë me pretendime për konflikt të interesit sipas të cilit zyrtari i lartë z. Xhavit Rexhaj, duke qenë Anëtar i Këshillit Shtetëror të Cilësisë është dyshuar për konflikt të mundshëm të interesit, meqenëse është i angazhuar si profesor në Kolegjin "AAB".

Pas kësaj, Agjencia kundër Korrupsionit e ka njofuar zyrtarin e lartë me një shkresë zyrtare për fillimin e shqyrtimit të gjendjes së mundshme të konfliktit të interesit. Pas pranimit të kësaj shkresë është organizuar takim me zyrtarin e lartë në Agjencinë kundër Korrupsionit. Gjatë këtij takimi zyrtari në fjalë ka dekluaruar se është në marrëdhënie të rregullt pune në Kolegjin "AAB".



z. Rexhaj ka deklaruar se nuk ka marr pjesë në mbledhje të Këshillit Shtetëror të Cilësisë, kur ka qenë në rend dite Kolegji "AAB". Agjencia kundër Korruptionit duke u bazuar në procesverbalet e takimeve të mbajtura në AKA, konstaton se i njëjti nuk ka marr pjesë në mbledhje të AKA-së, kur ka qenë në rend dite diskutimi dhe votimi rreth akreditimit për Kolegin në fjalë. Duke vepruar në këtë mënyrë zyrtari në fjalë ka vepruar konform nenit 9 paragrafisë 6 të Rregullores mbi punën e Këshillit shtetëror të cilësisë (KSHC) ku parashihet se "*Nëse KSHC nuk vendos ndryshe, anëtar/ja në konflikt të interesit duhet ta lëshoj mbledhjen gjatë asaj kohe kur ajo çështje diskutohet dhe votohet Rregullores se AKA*".

Agjencia kundër Korruptionit me rastin e nxjerrjes së këtij vendimi ka pasur parasysh edhe Ligjin Nr. 06/L-011, për parandalimin e konfliktit të interesit në ushtrimin e funksionit publik, Ligjin Nr. 04/L-037 për Arsimin e lartë në Republikën e Kosovës dhe Udhëzimin administrativ Nr.06/2018, për kriteret dhe procedurat e emërimit të anëtarëve të Këshillit Shtetëror të cilësisë të Agjencisë së Kosovës për Akreditim.

Ligji për parandalimin e konfliktit të interesit në ushtrimin e funksionit publik në nenin 10 tek ushtrimi i punëve të tjera nga zyrtari në paragrafin 2 parashev që " gjatë kohës së ushtrimit të funksionit publik, zyrtari mund të ushtrojë punë nga lëmi i shkencës, sportit, arsimit, kulturës dhe veprimtarisë humanitare, nëse nuk parashihet ndryshe me ligje të tjera".

Në nenin 7 të Ligjit për Arsimin e lartë në Republikën e Kosovës, paragrafi 4 parashihet si vijon "AKA duhet të qeveriset nga një bord i përbërë nga jo më pak se pesë dhe jo më shumë se nëntë persona, të emëruar nga Ministria për një mandat të caktuar, i cili duhet të përbëhet nga radhët e personave të dy gjinive, që janë aktivë në punën akademike të arsimit të lartë dhe /ose në profesione brenda dhe jashtë Kosovës dhe i cili duhet të ketë të paktën tre persona (ekspertë ndërkombëtarë), që nuk janë të punësuar nga asnjë bartës i arsimit të lartë në Kosovë".

Gjithashtu në bazë të Udhëzimit administrativ për kriteret dhe procedurat e emërimit të anëtarëve të Këshillit Shtetëror të cilësisë të Agjencisë së Kosovës për akreditim në nenin 3, tek kriteret e përzgjedhjes së anëtarëve të KSHC paragrafi 2, ndër të tjera kërkohet grada e doktorit të shkencave me përvjohje relevante akademike ose 10 vite përvjohje në fushën e sigurimit të cilësisë në Arsimin e lartë. Gjithashtu në nenin 4 të këtij Udhëzimi administrativ tek pajtueshmëria për të qenë anëtar i KSHC pika 1.3. parashihet që të mos kenë angazhim aktual në më shumë se një institucion të arsimit të lartë në Kosovë. Në rastin konkret Agjencia kundër Korruptionit konstaton se janë respektuar këto kritere.

I. Nga ajo që u tha si më lartë, Agjencia kundër Korruptionit konstaton se të qenurit Anëtar i Këshillit Shtetëror të Cilësisë në Agjencinë e Kosovës për Akreditim dhe njëkohësisht Profesor në Kolegjin AAB, nuk përben konflikt të interesit dhe nuk është në kundërshtim me Ligjin Nr.06/L-011, për parandalimin e konfliktit të interesit në ushtrimin e funksionit publik.

Agjencia kundër Korruptionit kërkon nga ju që si zyrtar i lartë, gjatë gjithë punës tuaj, duhet ta keni parasysh edhe deklarimin e konfliktit të interesit "rast për rast" që eventualisht mund të shfaqet. Kjo saktësisht parashihet me nenin 17 të L.P.K.I, paragafët si në vijim:

1. Çdo zyrtar gjatë ushtrimit të funksionit të tij publik, në bazë të njofurive të tij dhe në mirëbesim, detyrohet që të bëjë vetëdeklarimin paraprak, rast për rast, të ekzistencës së interesit të tij privat ose të personave të afërm me të lidhur me vendimmarrjen në një çështje të caktuar, që mund të bëhet shkak për lindjen e një konflikti të interesit dhe të tërhiqet nga kjo vendimmarrje.
2. Deklarimi rast për rast i interesave private bëhet çdo herë nga zyrtari, kur kjo kërkohet nga udhëheqësi ose nga institucioni udhëheqës apo mbikëqyrës. Deklarimi, si rregull, duhet kërkuar dhe bërë paraprakisht. Kur kjo nuk është e mundur ose kur nuk ka ndodhur, deklarimi duhet të kërkohet të bëhet sa më shpejt që të jetë e mundur por jo më vonë se tridhjetë (30) ditë nga data e kërkesës ose e konstatimit të konfliktit të interesit.
3. Vetëdeklarimi ose deklarimi me kërkesë si rregull bëhet me shkrim, kur zyrtari përfshihet në një vendimmarrje për ndonjë çështje të caktuar.
4. Për çdo rast të shfaqjes së një konflikti rast për rast të interesit, institucioni punëdhënës regjistrон identitetin e zyrtarit, interesat private të tij, shkak për një konflikt interesit dhe konfliktin apo papajtueshmërinë e konstatuar, palët e interesuara, burimin e informatave, si dhe vendimet e marra për parandalimin, trajtimin dhe zgjidhjen e tyre.
5. Deklaratat për interesat private dhe të gjitha dokumentet që i shoqërojnë konsiderohen dokumente zyrtare.

Andaj u vendos si në dispozitiv të këtij vendimi.

II. Në mbështetje të nenit 18 (paragrafi 11) të Ligjit nr. 03/L-159 për Agjencinë kundër Korruptionit, Agjencia mund të rihap rastin në çdo kohë nëse paraqiten rrethana të reja.

Vendimi iu dërgohet:

- Zyrtarit të lartë publik
- Drejtorit të DPKI- së
- Z./zpj. (zyrtari përgjegjës)

Shaip Havollli
Drejtor i Agjencisë kundër Korruptionit

